



Coimisiún
na Meán

Treoir d'Iarratasóirí Scéim Urraíochta

Dáta Foilsithe:
10 Meán Fómhair 2026

Spriocdháta le haghaidh freagra: 08 Deireadh Fómhair 2026



Réamhrá

Is treoir d'iarratasóirí ar mhaith leo cur isteach ar mhaoiniú urraíochta ó Choimisiún na Meán é an doiciméad seo. Clúdaítear na hábhair seo a leanas sa treoir:

1.	Maidir Le Coimisiún Na Meán	3
2.	Scéim Urraíochta Choimisiún Na Meán	3
3.	Cad is féidir a thacú faoin Scéim Urraíochta?	4
4.	An Maoiniú Atá Ar Fáil	4
5.	Iarratas A Chur Isteach	4
6.	Measúnú Ar Iarratais	5
7.	Cinntí Maoinithe	5
8.	Riachtanais Le Haghaidh Iarratais Rathúla	6
9.	Saoráil Faisnéise	7
10.	Cosaint Sonraí	7
	Aguisín a hAon – Teimpléad Buiséid	8
	Aguisín a Dó – Plean Airgeadais	8

Moltar do na hiarratasóirí an treoir seo a léamh sula gcuirfidh siad iarratas urraíochta isteach. Má tá aon cheist agat maidir le hurraíocht, déan teagmháil le sponsorship@cnam.ie.

Dáta Deireanach le haghaidh Iarratas

Ní mór iarratas a dhéanamh ar submit.com faoi **12 meán Iae, 08 Deireadh Fómhair 2026**. Ní ghlacfaidh Coimisiún na Meán le hiarratais dhéanacha ná neamhchríochnaithe.



1. Maidir Le Coimisiún Na Meán

Is rialtóir na meán in Éirinn é [Coimisiún na Meán](#) atá freagrach as tírdhreach meán a fhorbairt agus a rialáil atá rathúil, éagsúil, cruthaitheach, sábháilte agus iontaofa, mar a léirítear inár [Ráiteas Stráitéise](#). Bunaíodh é de réir fhorálacha an [Achta um Shábháilteacht ar Líne agus Rialáil na Meán 2022](#) ar an 15 Márta 2023. I measc ár bhfreagrachtaí:

- Maoirseacht a dhéanamh ar mhaoiniú earnáil na meán níos leithne in Éirinn agus tacú lena forbairt.
- Maoirseacht a dhéanamh ar rialáil seirbhísí craolacháin agus físeáin ar éileamh.
- Córas rialála na hÉireann maidir le sábháilteacht ar líne a fhorbairt agus a fhorfheidhmiú.

2. Scéim Urraíochta Choimisiún Na Meán

Tríd an Scéim Urraíochta, tá sé mar aidhm ag Coimisiún na Meán feasacht a ardú ar a chuid oibre agus tacú le forbairt earnáil na meán níos leithne. Tá An Coimisiún ag lorg iarratais ar mhaoiniú urraíochta le haghaidh imeachtaí a thionólfar sa bhliain atá le teacht.

Foilsíonn Coimisiún na Meán an treoir urraíochta seo d'iarratasóirí, agus is féidir iarratas a dhéanamh ar [submit.com](#). Is iondúil go dtugtar dáta deiridh d'iarratasóirí chun iarratais a chur isteach. Tar éis an dáta deiridh, déanfaidh an Coimisiún measúnú ar na hiarratais de réir na gcritéar ábhartha atá leagtha amach sa treoir seo d'iarratasóirí agus cuirfidh sé a chinntí maoinithe in iúl go gairid ina dhiaidh sin. Sainmhíníonn Coimisiún na Meán urraíocht mar:

“ranníocaíocht a chuirtear ar fáil d’eagraíocht, chun tacú le himeacht a chur ar siúl, seirbhís a chur ar fáil nó chun tabhairt faoi ghníomhaíocht a thagann le cuspóirí Choimisiún na Meán, agus go gcuirfear sochar sainithe ar leith ar fáil mar chúiteamh”.



3. Cad is féidir a thacú faoin Scéim Urraíochta?

Glacann Coimisiún na Meán le hiarratais ar urraíocht d'imeachtaí a bhaineann leis na meáin a bhfuil a gcomhréir lena [Ráiteas Straitéiseach](#) agus a ról ag tacú le tírdhreach meán atá rathúil, éagsúil, cruthaitheach, sábháilte agus iontaofa, agus cuireann sé deiseanna ar fáil don Choimisiún a chuid oibre a chur chun cinn ar fud earnáil na meán. I measc samplaí d'imeachtaí urraithe tá féilte scannán, searmanais bronnta duaiseanna, comhdhálacha agus seimineáir ar ábhair a bhaineann lenár sainchúram. Ní mór do thograí urraíochta ailíniú a léiriú lenár [Ráiteas Straitéise](#) agus na torthaí straitéiseacha a bhfuil sé mar aidhm aige a fhorbairt.

- Ní thairgtear maoiniú urraíochta chun léiriú scannán, clár teilifíse nó raidió, nó taifeadadh podchraoltaí, físeáin chorpáraideacha nó fógraí, nó clár ar líne a éascú.
- Níl sé beartaithe go gclúdódh urraíocht costais iomlána na n-imeachtaí atá beartaithe. Ba chóir breathnú ar Choimisiún na Meán mar chomhpháirtí ranníocach.
- Ba chóir iarratais a theorannú d'imeachtaí aonuaire, nó d'eilimintí laistigh d'imeacht níos mó, nó do shraith imeachtaí nasctha a bheidh ar siúl i rith na bliana féilire 2027.
- Ní fhéadfaidh iarratasóirí iarratas a dhéanamh ar an scéim mhaoinithe seo le haghaidh imeachtaí atá ag fáil maoiniú cheana féin faoi scéim nó clár eile de chuid Choimisiún na Meán.
- Ritheann Coimisiún na Meán réimse scéimeanna maoinithe ar leithligh eile agus moltar d'iarratasóirí ionchasacha ár suíomh Gréasáin a sheiceáil lena chinntiú go bhfuil siad ar an eolas faoi cé acu bealach is oiriúnaí chun tacaíocht a lorg.

4. An Maoiniú Atá Ar Fáil

Mar threoir maidir le dámhachtainí maoinithe aonair, is gnách go mbíonn an méid maoinithe urraíochta a thairgtear d'iarratasóirí idir **€1,000 agus €15,000**. Féadfar suimeanna níos mó a dhámhachtain i gcúinsí áirithe. Agus tograí á measúnú, cuirfear san áireamh cineál an imeachta, a ábharthacht d'obair an Choimisiúin, luach ar airgead, agus gnéithe cur chun cinn atá san áireamh san iarratas.

5. Iarratas A Chur Isteach

Ní mór iarratais urraíochta de chuid Choimisiún na Meán a chur isteach ar submit.com faoi **12 meán lae, 08 Deireadh Fómair 2026**. Ní ghlacfaidh Coimisiún na Meán le hiarratais dhéanacha ná neamhchríochnaithe. Ní mór d'iarratasóirí cuntas a chruthú ar submit.com sula gcuirfidh siad iarratas isteach. Má bhíonn aon deacracht agat agus cuntas á chruthú agat nó agus d'iarratas á chomhlánú agat ar submit.com, déan teagmháil le sponsorship@cnam.ie agus beimid lán sásta cabhrú leat.



6. Measúnú Ar Iarratais

Déanfaidh Coimisiún na Meán measúnú ar gach iarratas incháilithe de réir na gcritéar seo a leanas:

Critéir an Mheasúnaithe	Marca nna ar fáil %	Scór íosta a theastaíonn
(A) Ailíniú agus ábharthacht le ról Choimisiún na Meán i dtaca le tirdhreach meán rathúil, éagsúil, cruthaitheach, sábháilte agus iontaofa a chothú mar a léirítear inár Ráiteas Straitéiseach	40	24
(B) Cuireann sé luach ar airgead ar fáil.	25	15
(C) A mhéid atá an togra leagtha amach réadúil agus indéanta.	15	9
(D) Taithí agus taifead ábhartha an iarratasóra i dtaca leis an i imeacht/gníomhaíocht atá beartaithe. Breithneofar taifead iarratasóra i dtéarmaí an phróisis chonartha agus conarthaí a dhúnadh laistigh d'amlínte ama comhaontaithe mar chuid den phróiseas measúnaithe. Má tá maoiniú faighte ag an iarratasóir roimhe seo, tabhair faoi deara nach ndéanfaidh Coimisiún na Meán Conradh nua go dtí go mbeidh na conarthaí roimhe seo go léir dúnta.	20	12
Iomlán	100%	-

Tabharfaidh Coimisiún na Meán aird freisin ar an éagsúlacht, i réimsí lena n-áirítear lucht féachana, earnáil, seánraí agus formáidí a mbeadh na himeachtaí urraithe ag freastal orthu;

Tabhair faoi deara, le do thoil, nach ráthaíonn rathúlacht roimhe seo maidir le maoiniú urraíochta a chinntiú go gcuirfear maoiniú ar fáil do na blianta atá le teacht.

7. Cinntí Maoinithe

Cuirfidh Coimisiún na Meán na cinntí maoinithe in iúl d'iarratasóirí a n-éiríonn leo agus d'iarratasóirí nach n-éiríonn leo go déanach in 2026 nó go luath in 2027.



8. Riachtanais Le Haghaidh Iarratais Rathúla

Conradh: Tá gach tairiscint ar mhaoiniú urraíochta faoi réir ghlacadh oifigiúil an iarratasóra leis an tairiscint agus conradh maoinithe a dhéanamh le Coimisiún na Meán laistigh de na creataí ama atá sainithe ag an gCoimisiún agus **tráth nach déanaí ná an dáta atá an t-imeacht nó an ghníomhaíocht le bheith ar siúl.**

Ar chur i gcrích conartha, cuirfear sciar tosaigh den mhaoiniú leithdháilte ar fáil. Chun an chuid eile den mhaoiniú a tharraingt anuas, ní mór d'iarratasóirí cloí go hiomlán le téarmaí an chonartha. Cuimsítear leis na ceanglais go gcuirfí na táirgí insoláthartha riachtanacha ar fad atá leagtha amach sa chonradh isteach ar chaighdeán sásúil.

Beidh ar iarratasóirí a n-éiríonn leo ag a bhfuil conarthaí urraíochta reatha acu le Coimisiún na Meán, na conarthaí sin a dhúnadh, agus aon táirge insoláthartha gan íoc a chur isteach chun sástacht Choimisiún na Meán chun tús a chur le hidirbheartaíochtaí conartha le haghaidh aon imeacht / ghníomhaíocht atá ag teacht aníos agus ar bronnadh maoiniú air/uirthi.

Is féidir conradh maoinithe samplach le haghaidh na Scéime Urraíochta, mar aon leis na téarmaí agus coinníollacha a bhaineann leis, a fháil [anseo](#).

Ina theannta sin, tabhair an méid seo a leanas faoi deara:

Tarraingt anuas an mhaoinithe: Go ginearálta, íocfar an maoiniú ina dhá sciar agus aontaítear céatadán an mhaoinithe i ngach sciar le linn idirbheartaíocht chonartha idir an t-iarratasóir rathúil agus Coimisiún na Meán. De réir na treorach, is iondúil go mbíonn an chéad sciar den mhaoiniú idir 50% agus 60%.

Cuntas bainc: Ní féidir maoiniú urraíochta a eisiúint ach chuig **cuntas bainc ar leith** de chuid an imeachta/na gníomhaíochta urraithe. Caithfidh an t-ainm ar an gcuntas bainc teacht le hainm an iarratasóra a n-éireoidh leis/léi.

Cuntasaíocht: Faoi chonradh urraíochta Choimisiún na Meán, tá dualgas ar iarratasóirí a n-éiríonn leo úsáid a bhaint as caighdeán cuntasaíochta MTS 45 agus iad ag ullmhú na ráiteas costais deiridh don imeacht/ghníomhaíocht urraithe. Ní féidir an sciar deiridh den mhaoiniú urraíochta a eisiúint dá uireasa sin. Tá treoir maidir leis an gcaighdeán cuntasaíochta MTS 45 ar fáil ar shuíomh gréasáin Choimisiún na Meán.

Imréiteach Cánach: Ní mór d'iarratasóirí a n-éiríonn leo uimhreacha rochtana cánach agus uimhreacha tagartha cánach a chur isteach chuig Coimisiún na Meán chun comhlíonadh cánach a léiriú sula mbeifear in ann aon mhaoiniú urraíochta a eisiúint.

CBL: Ní mór do na hiarratasóirí a n-éireoidh leo agus atá cláraithe le haghaidh CBL, sonraisc bhailí CBL a eisiúint chuig Coimisiún na Meán chun maoiniú urraíochta a fháil



9. Saoráil Faisnéise

Geallann an Coimisiún a dhícheall a dhéanamh chun aon ábhar a sholáthraítear mar fhreagra ar an bpróiseas seo a choinneáil faoi rún, faoi réir oibleagáidí an Choimisiúin faoin dlí, lena n-áirítear an tAcht um Shaoráil Faisnéise 2014 (“Acht um Shaoráil Faisnéise”). Iarrtar ar iarratasóirí agus ar Chonraitheoirí a mheas an gcaithfear aon chuid den fhaisnéis a sholáthraítear don Choimisiún in iarratas nó le linn conarthaí ina dhiaidh sin a nochtadh mar gheall ar a hábhar faisnéise, an fhaisnéis sin a aithint agus na cúiseanna lena híogaireacht a shonrú. Rachaidh an Coimisiún i gcomhairle le hiarratasóirí faoi fhaisnéis rúnda, phearsanta nó íogair ó thaobh tráchtála de sula ndéanfaidh sé cinneadh ar aon iarratas a fhaightear faoin Acht um Shaoráil Faisnéise. Féadfar an fhaisnéis sin a scaoileadh mar fhreagra ar iarratas um Shaoráil Faisnéise mura meastar go bhfuil an fhaisnéis íogair ó thaobh tráchtála de.

10. Cosaint Sonraí

Chun an babhta maoinithe seo a reáchtáil go héifeachtach, beidh eolas uainn faoin iarratasóir agus eolas mionchruinn faoin ábhar atá beartaithe. Áireofar sa sonraíocht agus sa doiciméadúchán sin sonraí pearsanta amhail teidil poist, tuarastail agus seoltaí ríomhphoist. Comhlíonfaidh An Coimisiún a chuid oibleagáidí faoin Rialachán Ginearálta maidir le Cosaint Sonraí, faoin Acht um Chosaint Sonraí 2018 agus faoi aon dlíthe agus rialacháin eile is infheidhme maidir le príobháideacht sonraí agus é ag láimhseáil agus ag próiseáil aon sonraí pearsanta den sórt sin a chuirtear isteach mar chuid den tionscnamh maoinithe seo. Úsáidfear an t-eolas a chuirtear isteach in iarratas, lena n-áirítear aon sonraí pearsanta, chun an t-iarratas a phróiseáil agus chun cumarsáid a dhéanamh leis an iarratasóir. Ní choimeádfar aon sonraí pearsanta a chuirtear isteach (seachas sonraí teagmhála an Chonraitheora a úsáidtear chun críocha an bhabhta) ach amháin má éiríonn leis an iarratas. Bheadh gá leis an eolas sin don chonradh maoinithe agus chun feidhmíocht an deontais agus na torthaí gaolmhara a thomhas ina dhiaidh sin. Féadfar an t-eolas a úsáid freisin chun an scéim a athbhreithniú agus ag taighdeoirí seachtracha. I gcásanna den sórt sin, déanfaí gach sonra pearsanta a anaithnidiú. Tá oibleagáid ar An Coimisiún, agus tá sé tiomanta, gach sonra pearsanta a chuirtear isteach mar fhreagra ar ghlao ar iarratais don bhabhta maoinithe seo a chosaint. Tá Oifigeach Cosanta Sonraí ceaptha ag An Coimisiún atá cláraithe leis an gCoimisiún um Chosaint Sonraí. Is féidir tuilleadh eolais a fháil faoin gcaoi a bpróiseálann An Coimisiún sonraí pearsanta ag <https://www.cnam.ie/en> agus faoi théarmaí agus coinníollacha An Choimisiúin ag <https://www.cnam.ie/en>.



Aguisín a hAon – Teimpléad Buiséid

Beidh na teimpléid seo ar fáil ar submit.com. Chun do chuid faisnéise buiséid agus airgeadais a chur isteach:

- 1) Íoslódáil an teimpléad ábhartha ó submit.com.
- 2) Cuir do chuid faisnéise isteach sa teimpléad.
- 3) Uaslódáil an teimpléad comhlánaithe chuig an rannán ábhartha den fhoirm ar submit.com.

	Buiséad an tionscadail			
Line #	Cur Síos	Costas Aonaid	Méid	Costas Iomlán
1				
2				
3				
4				
5				
6				
7				
8				
9				
10				
11				
12				
	Foriomlán			

Aguisín a Dó – Plean Airgeadais

Maoinitheoir	Méid Maoiniú €	% den bhuiséad	Maoiniú deimhnithe Tá/Níl
Coimisiún na Meán			
Foriomlán			

